

**ИЖТИМОЙ ТАДҚИҚОТЛАР
ЖУРНАЛИ**
1-МАХСУС СОН

**ЖУРНАЛ СОЦИАЛЬНЫХ
ИССЛЕДОВАНИЙ**
СПЕЦИАЛЬНЫЙ ВЫПУСК-1

**JOURNAL OF
SOCIAL STUDIES**
SPECIAL ISSUE-1



Бош муҳаррир:
Главный редактор:
Chief Editor:

Сеитов Азамат Пулатович
доктор социологических наук
(Doctor of sociology DSc)

Бош муҳаррир ўринбосари:
Заместитель главного редактора:
Deputy Chief Editor:

Сабирова Умида Фархадовна
кандидат социологических наук
(Candidate of sociology PhD)

Ижтимоий тадқиқотлар журнали таҳририй маслаҳат кенгаши
International Editorial Board of the Journal of Social Studies
Международный редакционный совет журнала Социальные исследования

Исмаилов Алишер Агзамович

Ўзбекистон Республикаси Бош прокуратураси
хузуридаги Иқтисодий жиноятларга қарши
курашиш бошқармаси ходими, иқтисод
фанлари доктори

Мирзахмедов Абдирашид Мамасидикович

Наманган муҳандислик-технология
институтининг ижтимоий-гуманитар фанлар
кафедраси доценти, фалсафа фанлари
доктори

Каланова Сабохат Мурадовна

Ўзбекистон миллий университети, Ижтимоий
иш кафедраси, социология фанлари бўйича
фалсафа доктори (PhD), доцент в.б.

Акулич Мария Михайловна

Доктор социологических наук, профессор.
Тюменский государственный университет.
Россия

Ахмедова Феруза Медетовна

Ўзбекистон миллий университети,
Социология кафедраси, Социология фанлари
бўйича фалсафа доктори (PhD)

Қандов Баҳодир Мирзаевич

Тошкент ирригация ва қишлоқ хўжалигини
механизациялаш муҳандислари институти
фалсафа фанлари бўйича фалсафа доктори
(PhD)

Алимухамедова Нодира Ядгаровна

Тошкент ирригация ва қишлоқ хўжалигини
механизациялаш муҳандислари институти катта
ўқитувчиси

Махкамов Қодиржон Одилжонович

Наманган давлат университети
Ижтимоий иш кафедраси, социология фанлари
бўйича фалсафа доктори (PhD), доцент

Page Maker | Верстка | Саҳифаловчи: Хуршид Мирзахмедов

Контакт редакций журналов. www.tadqiqot.uz

ООО Tadqiqot город Ташкент,
улица Амира Темура пр.1, дом-2.
Web: <http://www.tadqiqot.uz/>; Email: info@tadqiqot.uz
Тел: (+998-94) 404-0000

Editorial staff of the journals of www.tadqiqot.uz

Tadqiqot LLC the city of Tashkent,
Amir Temur Street pr.1, House 2.
Web: <http://www.tadqiqot.uz/>; Email: info@tadqiqot.uz
Phone: (+998-94) 404-0000

1. Бекмуродов Мансур Бобомуродович, Каримов Бобир Шаропович МЕЎР ТУШУНЧАСИНИНГ ИЖТИМОЙ МУНОСАБАТЛАРНИ КОНСЕНСУС ДАРАЖАСИДА ЮКСАЛТИРИШДАГИ РОЛИ.....	5
2. Vakhob Kuchkarov Xoshimovich, Botir Dulanov Erqulovich THE COMBINATION OF POLITICAL CONSCIOUSNESS AND INNOVATIVE THINKING IN THE EDUCATIONAL PROCESS.....	16
3. Алимухамедова Нодира Ядгаровна ГЛОБАЛЛАШУВ ШАРОИТИДА ЎЗБЕКИСТОННИНГ ГЕНДЕР МУАММОЛАРИ.....	25
4. Гаффорова Мавлюда Қурбонбоевна ЗАМОНАВИЙ ШАРОИТДА РАЎБАР АЁЛ ИМИЖИНИ ШАКЛЛАНТИРИШ.....	33
5. Мадрохимов Алишер Махаммадиброхимович “ЗЎРАВОНЛИК” ТУШУНЧАСИГА СОЦИОЛОГИК ЁНДАШУВ.....	41
6. Кодирова Шарифахон Асратуллоевна КОМПЕТЕНЦИИ МОЛОДЫХ РУКОВОДИТЕЛЕЙ НА ГОСУДАРСТВЕННОЙ СЛУЖБЕ КАК ФАКТОР ФОРМИРОВАНИЯ ОБРАЗА ВЛАСТИ В СОЗНАНИИ ГРАЖДАН.....	49
7. Бердимуратов Марат Есемуратович «ИШГА МАРЎАМАТ» МОНОМАРКАЗИ – ЁШЛАР БАНДЛИГИНИ ТАЪМИНЛАШДАГИ ЯНГИ ТИЗИМ СИФАТИДА.....	63
8. Камилов Фарход Облакулович СОЦИОЛОГИЯДА “ИЖТИМОЙ МОСЛАШУВ” ТУШУНЧАСИ ВА УНИНГ ИЛМИЙ-НАЗАРИЙ ЎРГАНИЛИШИ.....	72
9. Сияева Гулнора Ашрафовна СОЦИОЛОГИК ДИСКУРСНИ ТАДҚИҚ ЭТИШНИНГ НАЗАРИЙ-МЕТОДОЛОГИК АСОСЛАРИ.....	80
10. Абдувалиев Фатхулла МИГРАНТЛАРНИНГ ТАЪЛИМ МУЎИТИГА МОСЛАШУВИ: СОЦИОЛОГИК ТАЎЛИЛ.....	94
11. Абдуразакова Камолахон Юсуповна ЎЗБЕКИСТОН – ҚОЗОЎИСТОН ДАВЛАТЛАРАРО МУНОСАБАТЛАРНИНГ МУСТАЎКАМЛАШДА МИЛЛИЙ МАНФААТЛАРНИНГ ЎРНИ.....	105
12. Мурзаева Шахло Бахтиёрвна ЎЗБЕКИСТОН РЕСПУБЛИКАСИ ВА ҚИРЎИЗ РЕСПУБЛИКАСИ ҲУДУДЛАРАРО ҲАМКОРЛИГИНИ БЕЛГИЛАБ БЕРУВЧИ АСОСИЙ ОМИЛЛАР.....	113
13. Муминова Гульноза Мансуровна ЭНЕРГЕТИЧЕСКАЯ БЕЗОПАСНОСТЬ.....	121

14. Салимсакова Нилуфар Салиховна, Хусанбаева Юлдуз Бахтияровна СОЦИАЛЬНАЯ ЗАЩИТА КАК СОЦИОЛОГИЧЕСКИЙ ФЕНОМЕН.....	131
15. Хашимова Гузал Фатхуллаевна, Султанова Лола Батировна СОВЕРШЕНСТВОВАНИЕ СОЦИАЛЬНОЙ СФЕРЫ В РАМКАХ ПОВЫШЕНИЯ КАЧЕСТВА ЖИЗНИ НАСЕЛЕНИЯ.....	139
16. Каланова Сабохат Мурадовна, Саидахмадова Мардонахон Комил кизи, Холмуродов Ғулом Ўткир уғли АВЛОДЛАРАРО МУНОСАБАТЛАР МУАММОСИНИНГ МЕТОДОЛОГИК ВА НАЗАРИЙ АСОСЛАРИ.....	147
17. Махкамов Қодиржон Одилжонович ТАРИХИЙ ОНГ: МИЛЛИЙ ИЖТИМОЙ ХОТИРАНИНГ АСОСИ СИФАТИДА.....	158
18. Рашанова Гулҳаё Абдикахаровна ХОТИН-ҚИЗЛАРНИНГ ОЛИЙ ТАЪЛИМ ОЛИШЛАРИГА КЎМАКЛАШИШДА ФУҚАРОЛИК ЖАМИЯТИ ИНСТИТУТЛАРИНИНГ РОЛИ.....	167
19. Акилова Ўғилхон Мирзапаясовна ЯНГИЛАНАЁТГАН ЖАМИЯТ МАЪНАВИЙ ОМИЛЛАРИ ТАЪСИРЧАНЛИГИНИ ТАЪМИНЛАШДА ХОТИН-ҚИЗЛАРНИНГ РОЛИ.....	174
20. Сабинова Умида Фархадовна, Аликариева Аълохон Нуриддиновна МАТЕМАТИК УСУЛЛАР ВА МОДЕЛЛАР ОЛИЙ ТАЪЛИМ СИФАТИНИ МОНИТОРИНГ ҚИЛИШ ВОСИТАСИ СИФАТИДА.....	181
21. Абдурахмонова Манзура Манафовна МАКТАБЛАРДА САМАРАЛИ ҚАРОР ҚАБУЛ ҚИЛИШ УЧУН ЖАМОАТЧИЛИК ФИКРИНИ ЎРГАНИШ ЗАРУРИЯТИ.....	192
22. Мўминов Зокиржон ИЧКИ МИГРАЦИЯ ЖАРАЁНЛАРИДА КАСБИЙ МОБИЛЛИКНИНГ ПАРАДИГМАЛ ЎЗГАРИШЛАРИ.....	200
23. Асамова Умида Абдурашитовна УЧЕБНЫЕ ЦЕНТРЫ В СОВРЕМЕННОМ ОБЩЕСТВЕ УЗБЕКИСТАНА.....	207
24. Пак Полина Вадимовна ОБЩЕСТВЕННОЕ МНЕНИЕ О НЕГОСУДАРСТВЕННЫХ НЕКОММЕРЧЕСКИХ ОРГАНИЗАЦИЯХ И ОСУЩЕСТВЛЕНИЕ ИМИ ОБЩЕСТВЕННОГО КОНТРОЛЯ.....	214
25. Абдусатторов Мансур ХАЛҚ БИЛАН МУЛОҚОТНИНГ ЯНГИ ТИЗИМИ.....	224

ИЖТИМОЙ ТАДҚИҚОТЛАР ЖУРНАЛИ ЖУРНАЛ СОЦИАЛЬНЫХ ИССЛЕДОВАНИЙ JOURNAL OF SOCIAL STUDIES

Камилов Фарход Облакулович,
Республика болалар ижтимоий
мослашуви маркази, бош мутахассиси
e-mail: bekkomilov@mail.ru

СОЦИОЛОГИЯДА “ИЖТИМОЙ МОСЛАШУВ” ТУШУНЧАСИ ВА УНИНГ ИЛМИЙ-НАЗАРИЙ ЎРГАНИЛИШИ

For citation: Kamilov Farkhod, The phrase of "social adaptation" and its scientific-theoretical learning in sociology. Journal of Social Studies. 2021, Special Issue 1, pp. 72-79

 <http://dx.doi.org/10.26739/2181-9297-2021-SI-1-8>

АННОТАЦИЯ

Мақолада социологик адабиётларда “ижтимоий мослашув” тушунчасининг илмий-назарий жихатдан ўрганилиши ёритилган бўлиб, маҳаллий ва чет эл социолог олимларининг “ижтимоий мослашув” тушунчасига илмий-назарий ёндашувининг таҳлили берилган. Социологик назарияларда ижтимоий мослашувнинг таърифи, тавфсилотлари, турли хил шакллари ва механизмлари очиб берилган. “Ижтимоий мослашув” тушунчасининг мазмуни, турлари, структураси ва функцияларига тўхталиб ўтилган. Инсонларнинг ижтимоий мослашувига таъсир этувчи ижтимоий муҳитнинг таъсири ҳамда ички ва ташқи омиллар очиб берилган. Ижтимоийлашув ва ижтимоий мослашув тушунчалари бир-бирига синоним тушунчалар эканлиги асослаб берилган. Мақолада инсоннинг ижтимоий мослашувида ижтимоий меъёр, ҳуқ-атвор, қадрият ва ижтимоий институтларнинг таъсирига оид шунингдек, социологиянинг классик ва замонавий вакиллари томонидан илгари сурилган назариялар умумлаштириб муаллиф ўз хулосаларини баён этган. Шунингдек, муаллиф томонидан ўтказилган социологик тадқиқотнинг эмпирик таҳлили келтириб ўтилган.

Калит сўзлар: ижтимоийлашув, ижтимоий мослашув, ижтимоий мобиллик, ижтимоий меъёр, ижтимоий муҳит, ҳуқ-атвор, ижтимоий рол, қадрият, ижтимоий институт.

Камилов Фарход Облакулович,
Главный специалист, Республиканского
центра социальной адаптации детей
e-mail: bekkomilov@mail.ru

ПОНЯТИЯ «СОЦИАЛЬНАЯ АДАПТАЦИЯ» В СОЦИОЛОГИИ И ЕЁ НАУЧНО-ТЕОРЕТИЧЕСКОЕ ИЗУЧЕНИЕ

АННОТАЦИЯ

В статье описывается научно-теоретическое исследование понятия «социальная адаптация» в социологической литературе и проводится анализ научно-теоретического подхода отечественных и зарубежных социологов к понятию «социальная адаптация».

Социологические теории объясняют определение, детали, различные формы и механизмы социальной адаптации. Обсуждаются содержание, виды, структура и функции понятия «социальная адаптация». Выявлено влияние социальной среды, а также внутренних и внешних факторов, влияющих на социальную адаптацию людей. Утверждалось, что понятия социализации и социальной адаптации являются синонимичными понятиями. В статье автор обобщает теории, выдвинутые классическими и современными представителями социологии, а также влияние социальных норм, поведения, ценностей и социальных институтов на социальную адаптацию человека. Приводится также эмпирический анализ проведенного автором социологического исследования.

Ключевые слова: социализация, социальная адаптация, социальная мобильность, социальная норма, социальная среда, поведение, социальная роль, ценность, социальный институт.

Kamilov Farhod Oblakulovich,
Chief Specialist of the Republican Center
for Social Adaptation of Children
e-mail: bekkomilov@mail.ru

THE PHRASE OF "SOCIAL ADAPTATION" AND ITS SCIENTIFIC-THEORETICAL LEARNING IN SOCIOLOGY

ANNOTATION

The article describes the scientific and theoretical study of the concept of "social adaptation" in the sociological literature and provides an analysis of the scientific and theoretical approach of local and foreign sociologists to the concept of "social adaptation". Sociological theories explain the definition, details, various forms and mechanisms of social adaptation. The content, types, structure and functions of the concept of "social adaptation" are discussed. The influence of the social environment on the social adaptation of people as well as internal and external factors are revealed. It has been argued that the concepts of socialization and social adaptation are synonymous concepts. In the article, the author summarizes the theories put forward by classical and modern representatives of sociology, as well as the influence of social norms, behavior, values and social institutions on human social adaptation. An empirical analysis of a sociological study conducted by the author is also cited.

Keywords: socialization, social adaptation, social mobility, social norm, social environment, behavior, social role, value, social institution.

КИРИШ. Илмий-назарий адабиётлар таҳлили бугунги кунда фанлар кесимида жумладан, фалсафа, педагогика, психология, ҳуқуқ, тиббиёт, социология фанларида “ижтимоий мослашув” тушунчасининг ўрганилиши бўйича муайян база шаклланганлигини кўрсатмоқда. Дарҳақиқат, “ижтимоий мослашув” тушунчасини илмий-назарий ўрганиш ва тизимли тадқиқ этиш миллий социологиянинг махсус тадқиқот объекти ҳисобланади. Инсоннинг узлуксиз равишда ривожланишга нисбатан ички интилиши ва мунтазам равишда ўзгариб турувчи ижтимоий муҳит доимий равишда мослашувнинг манбаи бўлиб ҳисобланади. Ижтимоийлашув ва ижтимоий мослашув ўзаро чамбарчас боғлиқ бўлиб, шахс ва жамоанинг ўзаро муносабати бирлигини ўзида акс эттиради. “Ижтимоий мослашув” ижтимоийлашув механизмларининг асоси бўлади, шахсни янги ижтимоий муҳитга мослашувидир. Ижтимоий мослашувнинг ижтимоий-психологик мазмуни жамоа йўналишининг мақсадини, тажрибаси, шахсни гуруҳ маданияти, урф-одатлари, ахлоқ нормаларини эгаллаши мос келиши билан ифодаланишини кўзда тутати.

АСОСИЙ ҚИСМ. Социологиянинг классик номоёниси Э.Дюркгейм атамалар луғатида ижтимоий мослашув тушунчасини қуйидагича таърифлайди, “ижтимоий мослашув бу - индивид томонидан ижтимоий меъёрларнинг ўзлаштирилишидир. Индивиднинг мослашуви ва жамиятнинг мослашуви сифат ва миқдоран ягона жараён бўлиб, “мослашув” ва

“ижтимоийлашув” тушунчалари эса – синонимлардир. Бироқ жамиятнинг меъёрий модели идеал даражада эмас. Позитивизм концепция ижтимоий мослашув назариясини очиб бериш учун зарур, бироқ етарли бўла олмайдиган методологик асос сифатида талқин этилади”[1].

М.Вебер бир вақтнинг ўзида бир қанча ўзаро бир-бирини инкор этувчи меъёрлар ҳам бўлиши эҳтимоли мавжудлигини таъкидлаган [2]. Ушбу ёндашув индивиднинг шаклланишида меъёрнинг аҳамияти ҳамда меъёрнинг шаклланишида индивиднинг ролини кўрсатади. Шундай қилиб, нисбатан мослашган инсон “меъёрий” эмас, аксинча “рационал“, гарчи “меъёрий” инсон етарлича “рационал” бўлади. М.Вебер инсоннинг бирламчи (эҳтимол нисбийдир), жамиятнинг эса иккиламчилигига ишора қилади, бу эса ижтимоий мослашувни тушунишимиз учун жуда муҳимдир.

Т.Парсонснинг ижтимоий мослашув борасидаги қарашлари ҳам қизиқарли. Унинг “мувозанатдаги жамият” концепцияси индивиднинг мазкур муҳитда устувор аҳамиятга эга бўлган муҳим ижтимоий меъёрларни ўзлаштириши давомида кечадиган индивид ҳамда ижтимоий муҳит эҳтиёжлари орасидаги мувозанатга бағишланган. Мувозанат бор экан – жамият барқарор, мувозанат бўлмаса – ижтимоий низо содир бўлади. Жамиятнинг муҳим вазифаси – ушбу мувозанатга интилиш, гарчи Т.Парсонснинг фикрича, абсолют мувозанатга эришиб бўлмайди. Индивиднинг эҳтиёжлари ва ижтимоий меъёрлар – динамик қиймат бўлиб, уларнинг мос келиши кутилмаганда ва фақат қисқа муддатгагина содир бўлиши мумкин. Т.Парсонс “мослашув” ва “ижтимоий муҳит” атамаларидан фойдаланиб, инсон ҳар гал умуман жамият билан эмас, балки унинг катта бўлмаган қисми билан ўзаро муносабатларга киришади, деб таъкидлаган.[3].

Р.Мертон ижтимоий ва индивидуал мослашув тушунчаси ҳақида тўхталар экан, ижтимоий мослашувни таснифлаштирган, асосийси – энг муҳим шароитларни таъкидлаган: ижтимоий мослашув – инсон томонидан ижтимоий меъёрларнинг ўзлаштирилишини тақозо қилиши шарт эмас. Бундан келиб чиқадики, шартсиз равишда инсоннинг ижтимоий меъёрлар билан боғлиқ бўлган ва уларга тобе бўлган ижтимоий мослашуви – ушбу меъёрларнинг акси ёки уларнинг пайдо бўлишига сабабчи бўлмай, социумдан индивидга эмас, балки индивиддан социумга томон йўналтирилган. М.Вебер ушбу масалада бир вақтнинг ўзида “бир нечта белгиланган тизимлар”нинг мавжуд бўлиши эҳтимоли бор, деган фикрда бўлган [4].

Ижтимоий реалликни конструкциялаш бўйича ижодкорлар бўлган П.Бергер ва Т.Лукманнинг илмий фаолиятида ижтимоий мослашув тушунчаси фаол ўрганилганлигини кўришимиз мумкин. Уларнинг фикрларича, шахс ривожланишининг баъзи даврларидан бошлаб инсон ўзи учун ижтимоий меъёрларни ўрнини босувчи нималарнидир яратади ҳамда ўз фаолиятида улардан фойдаланади. Бунда объектив мавжуд бўлган олам ҳамда инсоният томонидан яратилган оламнинг ноэквивалентлиги вазияти юзага келади. Мослашув эса ушбу мазмун-моҳият борасида уйғунлашиш, ўзаро мувозанатига эришиш учун мўлжалланган [5].

Мустақил Давлатар Ҳамдўстлиги давлатлари олимлари ҳам ижтимоий мослашув тушунчаларини илмий ўрганганлигини алоҳида эътироф этиш жоиз. О.А.Власованинг фикрича, ижтимоий мослашувнинг функционал моҳияти, энг аввало шахснинг ҳамда муҳитнинг сақланилиши нуктаи назаридан инсонлар ҳаёти фаолияти жараёнида шахслараро алоқалар ҳамда муносабатларида ифодаланади. Л.А.Гордон ижтимоий мослашувнинг мобиллаштирувчи функциясини алоҳида таъкидлаб, мослашув нафақат алоҳида элементларни қабул қилиш, балки жамоатчилик муносабатларининг ўзгарувчан яхлит тизимини ўзлаштириш, шунингдек фавқулоддаги вазиятларни енга билиш қобилятида ифодаланади. М.А.Шабанованинг фикрича, мослашувнинг функцияси қуйидагиларда ифодаланади: индивид нафақат тирик қолиш, балки ўсиш, униш имкониятига эга бўлади, макромуҳит эса – ўзини намоён қилиш ҳамда янада юқорилаб кетувчи босқичга ўтиш имкониятини беради. П.С.Кузнецов ҳам шунга ўхшаш фикрни билдиради: “Мослашувнинг мақсади – шахснинг ривожланишига эришиш, онтогенетик нуктаи назардан бу эҳтиёжларнинг ўсиши ва юксалиши, филогенетик нуктаи назардан эса – ташкилотчилик, маданият даражасини оширишдан иборат” [6,10 б].

И.С.Дискин ва Е.М.Авраамовалар эътибор қаратган яна бир масала, бу ижтимоий ноаниқлик ва ижтимоий ҳаракатларнинг маҳсулдор модели мавжуд бўлмаган шароитда мослашувнинг рағбатлантирувчи функциясининг очилиши [7]. Уларнинг фикрича, бу инсонларнинг нафақат, мавжуд бўлган вазиятга англанган тарзда мўлжал ола билиш, балки жуда муҳим бўлган – ўз қобилиятлари ва қизиқишларини амалга ошириш мақсадида ижтимоий ҳуқ-атворнинг муносиб моделини ишлаб чиқиш ва турли ресурслардан рационал тарзда фойдаланиш каби қобилиятида ифодаланади. Ижтимоий мослашув функцияларига оид юқоридаги барча фикрларни умумлаштирган ҳолда, айтиш мумкинки, аксарият муаллифлар унинг прогрессив ролини ажратадилар. Бунда умуман ривожланиш функциясинигина эмас, балки ижтимоий мобиллик механизмларини шакллантирувчи функцияни алоҳида таъкидлаш жоиз.

Фикримизча, ушбу функция остида, биринчидан, ҳуқ-атворнинг янги стратегияларини ўзлаштириш, иккинчидан, ушбу стратегияларни меъёрий тартибга солиб, шахс учун ахлоқан маъкул бўлган янги меъёр ва қадриятларни сингдириш, учинчидан, индивиднинг ўзини баҳолаш тарзи ва интилишларини нафақат ўз имкониятлари, балки ижтимоий-иктисодий реаллик билан уйғунлашувига эришувини тушуниш лозим. Революцион жараёнлар ва ўтиш даври билан боғлиқ кризислар замонидаги мослашувчан жараёнлар хусусиятларини эътироф этган ҳолда Л.А.Гордон бирламчи ижтимоий мослашувни ажратади. Унинг фикрича, бу ўзгаришларнинг умумий йўналганлигини қабул қилишда ҳамда янги тартибларни тотал равишда қабул қилмай у билан енгиб бўлмас курашишга киришгандан кўра барча ўзгаришларни ўзлаштириш, янги ҳаётга “киришиб кетиш” маъқулроқ эканлигини англаш билан кечувчи ўзгарувчан шароитларга мослашишда ифодаланади. Мантиқан қараганда онгнинг инерциясини енгитиш заруриятини, психологик дискомфорт, янги ҳаёт тарзининг ноодатий бўлиши мумкинлигини тушуниб қабул қилишдан иборат иккиламчи ижтимоий мослашув содир бўлишини тахмин қилиш мумкин.

Бир қанча муаллифлар ҳар икки томон талаблари ва кутилмаларининг ўзаро уйғунлашувини – ижтимоий мослашувнинг натижаси сифатида талқин қиладилар. Т.Л.Кончанин ҳам, гарчи бошқача мазмунда бўлсада мослашувнинг якунийлиги ҳақида ўз фикрларини билдирган. Мослашувни шахс шаклланишининг яхлит жараёни сифатида талқин қилган муаллиф, уни инсон фаол тарзда жамоатчилик, меҳнат, сиёсий ва маданий ҳаётга киришиб келиши даври билан боғлайди. Бунда ҳатто энг юқори даражасига эришилганда ҳам мослашув якунланди, дегани эмас. Ижтимоий мослашувнинг якунийлиги ҳақидаги масала қонуниятга тўғри келмайдиган масала, чунки “якуни” (натижа) тушунчасининг ўзи бирон-бир нарсанинг тўлиқ тугалланилишини тақозо этади [8].

А.Э.Тамарина раҳбарлигидаги тадқиқотчилар гуруҳи “тизимли ёндашув позициясидан келиб чиқиб, мослашувнинг у ёки бу турини таҳлил қилаётганда уни алоҳида ажратилган ҳолда эмас, балки бошқа мослашувчан жараёнлар билан уйғунликда ўрганиш” зарурлигига эътиборларини қаратганлар [9]. И.А.Милославованинг ишлари ушбу масалани махсус ўрганишга бағишланган. Унинг фикрича, ижтимоий мослашувнинг структураси ўзаро бир-бирини тақозо этувчи компонентлар: мослашиш лозим бўлган вазият ва мослашиш эҳтиёжидан иборат. Мослашиш вазияти ижтимоий муҳитдаги ўзгаришлар ёки шахснинг бир ижтимоий муҳитдан, бошқа, унинг учун қандайдир янги бўлган муҳитга ўтиши билан изоҳланади. Мослашиш эҳтиёжи деганда шахснинг ўз ҳуқ-атвор тарзи, одатлари, тасаввурларини ижтимоий муҳитдаги ўзгаришларга мослаштиришга интилиши назарда тутилади.

Л.Л.Шпакнинг мослашув структурасида қуйидаги компонентлар ажратилади: мослашиш эҳтиёжлари, мақсад, установка, кутилмалар, интилиш, мотивлар, мослашиш қобилиятлари, ролли позициялар ва амалий ҳаракатлар. Бунда “мослашиш установкаси социомаданий мослашувга хос бўлган барча структурали элементларни органик бир бутунликда боғлайди” [10].

Барча омиллар мажмуини икки гуруҳга – ички ва ташқи омилларга ажратилиши ўхшаш, лекин бирмунча қисқароқ ёндашув ҳисобланади. Биринчи гуруҳга инсонни ўраб турган муҳит

– предметли ва ижтимоий муҳитга оид параметрлар киради, иккинчисига эса – шахснинг индивидуал хусусиятлари киради. Мослашув омилларининг бу тарзда бўлинишидан фойдаланиб, И.А.Георгиева қуйидаги шахс (ички) омилларини ажратади: ижтимоий-демографик тавсифи (жинси, ёши, оилавий аҳволи), қадриятлар йўналганлиги ва шахсига хос қатор бошқа психологик фазилатлари. Унинг фикрича, индивид аъзо бўлган гуруҳ фаолияти тури билан боғлиқ бўлган параметрлар мажмуи – ташқи омилларни ташкил қилади [11].

Бир қанча олимлар, мослашув омилларини янада чуқурроқ ўрганиш учун мослашувнинг индивидуалликка хос бўлган хусусий параметрлар билан алоқадорлигини аниқлаш зарур, деб ҳисоблайдилар. А.Н.Леонтьевнинг таъкидлашича, фаолият субъекти вазиятнинг объектив моҳиятини тўлиқ тушуна олиши мумкин, бироқ унга нисбатан муносабатида унинг хулқ-атворини бошқараётган ва шахсига хос бўлган мазмунлар аралашиб кетади [12]. Билдирилган фикрларнинг тасдиғи сифатида М.А.Шабанова ўз тадқиқотида чиқарган хулосаларни келтириш мумкин. Эркинликни яхши кўрадиган, яъни танлаш имкониятининг ихтиёрийлиги ҳаётий қадриятлари таркибига кирган шахслар эркинлик у қадар аҳамиятга эга бўлмаган инсонлардан кўра осонроқ мослашадилар. Хулқ-атвор даражасидаги ижтимоий мослашув илгаридан белгиланган мақсадга мувофиқ тарзда хулқ-атворини бошқариш ва индивид томонидан мустақил қарор қабул қилиш сифатида ифодаланади.

Республикамиз оимларидан М.Бекмуродов, А.Умаров, М.Ганиева, Ш.Содиқова, Н.Латипова[13], Х.Хусанова, А.Абдухалилов, З.Узакова, Э.Зайтовларнинг ишларида “ижтимоий мослашув” тушунчаси тўғридан-тўғри ўрганилмаган бўлсада, шахс тараққиёти контекстида муҳим аҳамият касб этадиган ижтимоий институтлар (оила, маҳалла, таълим муассасалари, кутубхоналар), болалар ва ёшларнинг жамиятга ижтимоийлашуви, ижтимоий ҳимоя ва ижтимоий иш, имконияти чекланган болаларнинг ижтимоий-маданий мослашуви, институционал муассаса битирувчиларини ижтимоий ҳимоялаш масалалари доирасида ўз илмий фаолиятларида тўхталиб ўтишган [14]. Миллий социологияда ижтимоий мослашув масаласига яқин илмий тадқиқотлардан социология фанлари номзоди А.Юнусовнинг илмий фаолияти алоҳида аҳамият касб этади. А.Юнусов ўз илмий фаолиятида “ижтимоий меъёр”, “қадрият”, “ижтимоий институт” тушунчаларини илмий-назарий таҳлил қилиб, инсон ҳаёти тўлалигича турли ижтимоий институтларда юз беради. “Оила институтида туғиламиз, тарбияланамиз, ўзимиз оила қуриб яшаймиз. Таълим муассасаларида билим олиш билан бирга тарбия ҳам олиб борилади. Шунингдек, бизнинг маҳалла институтимиз ҳам муҳим тарбия ўчоғи ҳисобланади” деб таъкидлайдилар[15].

МЕТОДОЛОГИЯ. Замонавий социологик адабиётларда “ижтимоий мослашув” тушунчасини таърифлаш, муаммони илмий-назарий ўрганиш ва таҳлил қилишда турли хил ёндашувлар мавжуд. Илмий адабиётларда классик ва замонавий социология вакиллари томонидан социологик назариялар доирасида ижтимоий мослашувнинг мазмун моҳияти илмий-назарий жиҳатдан таҳлил қилинганлигини кўришимиз мумкин. Аҳамиятли томони шундаки, социологияда турли хил илмий назария ва концепцияларда қарама-қарши бўлган илмий хулоса ва қарашлар тизими бир-бирини инкор этмай, аксинча бири иккинчисини ўзаро тўлдириб борган.

Тадқиқот давомида илмий-назарий таҳлил этиш билан биргаликда, масаланинг эмпирик таҳлиliga ҳам эътибор қаратиб ўтдик. 2021 йилнинг январь-февраль ойларида Самарқанд, Фарғона вилояти ва Тошкент шаҳридаги ногиронлиги бўлган болаларнинг ота-оналари ўртасида фокус-гуруҳ тадқиқотини олиб бордик. Фокус-гуруҳлар сони 4 та бўлиб, таркиби қуйидагича бўлди. Иштирокчиларнинг умумий сони 42 нафар, шундан 12 нафари ақлий ривожланишда орқада қолаётган болаларнинг ота-оналари, 10 нафари таянч харақати аъзолари шикастланган болаларнинг ота-оналари, 10 нафари заиф эшитувчи ва қар, 10 нафари заиф кўрувчи ва кўзи ожиз болаларнинг ота-оналарини ташкил этади. Фокус-гуруҳлар иштирокчилар учун қулай махсус жиҳозланган хоналарда ўтказилди. 1,5-2 соатга мўлжалланган олдиндан тузилган сценарий асосида мавзуга оид масалалар муҳокама этилди. Баҳс-мунозарада иштирокчилар фаоллиги ва ўз фикр-мулоҳазаларни эркин ва очиқ ифода

этилишга эътибор қаратилди. Фокус-гурӯҳда боланинг ривожланиш эҳтиёжларига асосан тузилган саволлар асосида ота-оналарнинг фикр-мулоҳазалари ва муаммолар ўрганилди.

АСОСИЙ МАЪЛУМОТЛАР. Респондент С.У. 28 ёш, маълумоти ўрта. Уй бекаси. Фарзандини ташхиси аутизим. Турмуш ўртоғим ва қайни онам бола катта бўлгандан кейин яхши бўлиб кетади дейди. Мен ўзим биламан боламни муаммосини, бошқа болаларга ўхшамаган. Кўчаларда юрганимизда болам ўзини тутиши бошқа болаларга ўхшамайди. Ўзига хос ҳулқ-атворга эга. Фарзандимни жамиятга самарали мослаштиришда қийналаман.

Респондент Ш.А. 38 ёш. Маълумоти ўрта. Фарзандини ташхиси заиф эшитувчи.

Фарзандимни қулоғи яхши эшитмаганлиги сабабли шифохонага борганимизда ёки бошқа хизматлардан фойдаланишда доим бирга бораман. Чунки, болам эшитмаганлиги сабабли соғлиғидаги муаммоларни имо-ишора тилида тушунтириб беради. Мутахассислар фарзандимни тилини тушунишмайди. Ҳамма жойда ҳам сурдо таржимон хизмати йўқ. Замонавий технолгияларнинг имкониятларидан фойдаланиб, бу каби болаларни ҳам жамиятга ижтимоий мослашувида махсус электрон дастурлар, мобиль иловалар яратилса яхши бўларди. Чет элда бу каби болалар учун махсус электрон дастурлар бор деб эшитдим. Болалар шу дастурлар асосида бемалол ўз фикрини эркин ифода этади ва уни одамлар тушунади.

Респондент Р.Н. 24 ёш. Маълумоти ўрта. Фарзандимни ташхиси даун синдроми. Биз мунтазам равишда даволаниш ва реабилитацияга хизматларидан фойдаланишимиз керак. Шунда, боламни ўзгаришида динамика яхши бўлади. Афсуски, болаларни реабилитация қилиш ва мослаштириш марказлари вилоятларда кам туманларда умуман йўқ. Кўпроқ Тошкент шаҳрида. Тошкент шаҳридаги реабилитация ва мослаштириш марказларида навбатлар кўп ва курс муддати бир ой. Қани энди шундай марказлар ҳамма вилоят ва туманларда очилса эди. Масофанинг узоқлиги сабабли фарзандим билан борганимизча чарчаб қоламиз.

ХУЛОСА. Олиб борилган таҳлил бир қанча хулосаларни чиқариш имкониятини беради. Ижтимоий мослашув юқори даражада ташкил этилган, мунтазам равишда ривожланувчи икки тизим: ижтимоий муҳит ва шахс орасидаги ўзаро муносабатларга оид қонуниятларни акс эттирувчи феномен сифатида намоён бўлади. Бу шундай ўзаро таъсир муносабатларки, унинг асосида мослашиш жараёнига алоқадор барча субъектларнинг эҳтиёж ва қутилмалари ўзаро уйғунлашиб қониқтирилади. Ижтимоий мослашув – алоҳида шахс ҳамда ижтимоий муҳитга тегишли мақсад, мотивлар ва хусусиятларга хос бўлган, шунингдек инсон томонидан мазкур муҳитда ўз манфаатларини амалга ошириши учун шакллантирилган белгилар тизимидир. Ижтимоий мослашувни ҳаракатга келтирувчи куч – ўз ҳулқ-атворини онгли ёки онсиз, рационал ёки эмоционал тарзда моделлаштириш ҳисобига шахс билан биргаликда муҳитни ҳам ривожланишига имкон берувчи инсон. Ижтимоий мослашув ўз функцияларини амалга ошириши ҳисобига прогрессив ролни бажаради. Фикримизча, улардан асосийси бу – ижтимоий мобиллик механизмларини шакллантириш функциясидир. Дарҳақиқат, ёшлар ва болаларнинг ҳар томонлама камол топишида уларнинг жамиятдаги ижтимоий қоидаларни қай даражада ўзлаштириши, атрофдагилар ва тенгдошлари билан ўзаро муносабатларга киришиши, шахслараро муносабатлар ўрнатишда шахс уйғунлигига эришиши, яъни ижтимоий мослашув масалалари муҳим ўринни эгаллайди.

Хулоса қилиб айтиш мумкинки, шахс шаклланишида вақти-вақти билан ўзгариб турадиган ижтимоий муҳит доимий равишда мослашувнинг манбаи бўлиб ҳисобланади. Мослашув – бу узлуксиз, бутун ҳаёт давомида давом этувчи, ўзининг динамиклиги ва нисбатан барқарорлиги билан кечувчи жараёндир. Мослашувнинг бир қанча турлари – ишлаб чиқариш, профессионал, ижтимоий-психологик, маданий, моддий, сиёсий-ҳукукий, меҳнат, ўқув ва шу каби бошқа турлари мавжуд бўлиб, бу тадқиқотчига бир йўла бир қанча турига эътибор қаратиш имкониятини беради, шунинг учун у қайсидир алоҳида турини ўрганади, бу эса инсон мослашувининг яхлит тасвирини тузишга ҳалақит беради. Илм-фандаги илгари сурилган назарияларни умумлаштириб шундай хулосага келиш мумкинки, ижтимоий мослашув – инсоннинг оила, маҳалла, таълим, меҳнат фаолияти жараёнида фаол тарзда иштирок этиши натижасида содир бўлади. Инсон мақсадга йўналтирилган тарзда мослашув

механизмларини ўзгартириб боради ёки улардан ўз яшаш тарзининг ижтимоий шароитларига мос тарзда қўниқиш имкониятини такомиллаштириш учун фойдаланади. Бу – жамият таъки ва ички шароитлар таъсири остида нафақат у ёки бу ўзгаришларга мослашади, балки ижтимоий институтлар тизими орқали, ижтимоий мослашувнинг турли хил шакллари, механизм ва ташувчилари ёрдамида инсоннинг жамиятга мослашувини амалга ошириш қобилиятини эгаллайди, деганидир. Ижтимоий мослашув – бу инсоннинг ижтимоий муносабатлар тизимида ушбу тизимнинг бир компоненти сифатида шаклланиши жараёнидир, яъни инсон ижтимоий жамоатчиликнинг, қандайдир инсонлар гуруҳи, ташкилотнинг бир қисмига айланиб боради. Бунда улар томонидан шахснинг фазилатлари шаклланишига асос сифатида хизмат қилувчи маданият, ижтимоий меъёр ва қадриятларни ўзлаштириши жараёни содир бўлади. Инсон учун ижтимоий муносабатлар унинг ўз эҳтиёжларини амалга оширувчи, уни Ер қуррасининг бошқа инсонларидан фарклантирувчи асосий фазилатларни ўзлаштириб бориш имкониятини берувчи муҳит бўлиб ҳисобланади.

Иктибосар/Сноски/References:

1. Дюркгейм Э. Ценностные и реальные суждения / Э. Дюркгейм // Социологические исследования. 1991. № 2.
2. Вебер М. Основные социологические понятия / М. Вебер // Избр. произведения. М., 1990.
3. Парсонс Т. Функциональная теория измерения / Т. Парсонс // Американская социологическая мысль. М., 1994.
4. Вебер М. Основные социологические понятия / М. Вебер // Избр. произведения. М., 1990.
5. Бергер П. Социальное конструирование реальности: трактат по социологии знания / П. Бергер, Т. Лукман. М., 1995.
6. Кузнецов П.С. Адаптация как функция развития личности / П.С. Кузнецов. Саратов, 1991. 10 с.
7. Дискин И.С. Адаптация населения и элит (институциональные предпосылки) / И.С. Дискин, Е.М. Аврамова // Общественные науки и современность. 1997. № 1.
8. Кончанин Т.Л. Структура процесса адаптации молодых специалистов / Т.Л. Кончанин // Актуальные проблемы науки. Ростов на/ Д., 1970.
9. Сущность, формы и факторы социальной адаптации / под ред. В.Э. Тамарина. Барнаул, 1977.
10. Шпак Л.Л. Социокультурная адаптация: сущность, направления, механизмы реализации / Л.Л. Шпак. Кемерово, 1992.
11. Георгиева И.А. Социально-психологические факторы адаптации личности в коллективе / И.А. Георгиева. Л., 1985.
12. Леонтьев А.Н. Деятельность. Сознание. Личность / А.Н. Леонтьев. М., 1975.
13. Бекмурадов М.Б. Ўзбекистонда жамоатчилик фикри. соц.фан. док. дисс... –Тошкент; 1999. – Б.48; Умаров А.А. Ижтимоий-маданий тараққиётни таъминлаш ва комил инсон шахсини шакллантиришда мутоаланинг роли: Соц. фан.док... дис. автореф. – Тошкент, 2005. –Б. 65; Ганиева М.Х. Социокультурная адаптация детей с ограниченными возможностями как направление социальной защиты. Журнал. Общественное мнение. Права человека. Тошкент-2018. №4. С. 35-45, Содикова Ш.М. Жамиятни модернизациялаш жараёнида кексаларни ижтимоий ҳимоялашнинг социологик таҳлили: Соц. фан. док... дисс. –Тошкент, 2016; Латипова Н.М. Особенности семейного воспитания. Scientific journal. Theoretical and Applied Science 10 (30): 2015 -Р.79-84;
14. Абдухалилов А.А. Вопросы совершенствования социальной защиты лиц с инвалидностью в процессе государственного управления. Материалы международной конференция «Социальная защита детей в Узбекистане: передовой отечественный и зарубежный опыт» Тошкент-2018, 20 б. Узакова З.Ф. Алоҳида эҳтиёжли ёшларнинг ижтимоийлашуви, меҳнатга интеграциялашувининг ўзига хос хусусиятлари. Дисс... PhD фалсафа доктори социология фанлари бўйича. Ташкент: 2019; Зайтов Э.Х. Ўзбекистонда

институционал муассаса битирувчиларини ижтимоий ҳимоялаш тизимини такомиллаштириш. Дисс... PhD фалсафа доктори социология фанлари бўйича. Ташкент: 2020;

15. Ижтимоий тадқиқотлар журналі. Тошкент-2020, 1-сон 3-жилд. 55-56 б.

**ИЖТИМОЙ ТАДҚИҚОТЛАР
ЖУРНАЛИ
1-МАХСУС СОН**

**ЖУРНАЛ СОЦИАЛЬНЫХ
ИССЛЕДОВАНИЙ
СПЕЦИАЛЬНЫЙ ВЫПУСК-1**

**JOURNAL OF
SOCIAL STUDIES
SPECIAL ISSUE-1**

Контакт редакций журналов. www.tadqiqot.uz
ООО Tadqiqot город Ташкент,
улица Амира Темура пр.1, дом-2.
Web: <http://www.tadqiqot.uz/>; Email: info@tadqiqot.uz
Тел: (+998-94) 404-0000

Editorial staff of the journals of www.tadqiqot.uz
Tadqiqot LLC The city of Tashkent,
Amir Temur Street pr.1, House 2.
Web: <http://www.tadqiqot.uz/>; Email: info@tadqiqot.uz
Phone: (+998-94) 404-0000